

vistas as normas reguladoras desta materia (Decreto 50/2000, do 20 de xaneiro). Por todo isto,

DISPOÑO:

Primeiro.-Recoñecerlle á Escola Rural de Tempo Libre a condición de escola de tempo libre, aprobando os programas de formación propostos para os niveis primeiro (monitores/as de actividades de tempo libre) e segundo (directores/as de actividades de tempo libre e directores/as de campos de traballo) fixados no Decreto 50/2000, do 20 de xaneiro.

Segundo.-Ordenar a inscrición da Escola Rural de Tempo Libre no Rexistro de Escolas de Tempo Libre dependente da Dirección Xeral de Xuventude e Voluntariado, correspondéndolle o número G-42.

Terceiro.-A Consellería de Traballo e Benestar expedirá os títulos acreditativos correspondentes ás materias impartidas pola Escola Rural de Tempo Libre, sempre de acordo co establecido no Decreto 50/2000, do 20 de xaneiro, e queda esta supeditada á supervisión e inspección ordenadas no artigo 59º.2 do dito decreto.

Santiago de Compostela, 4 de febreiro de 2011.

Beatriz Mato Otero
Conselleira de Traballo e Benestar

Corrección de erros.-Resolución do 14 de febreiro de 2011, da Dirección Xeral de Relacións Laborais, pola que se dispón o rexistro, o depósito e a publicación, no Diario Oficial de Galicia, do acordo suscrito entre a representación empresarial e os representantes dos traballadores do convenio colectivo de guindastres móbiles autopropulsados de Galicia, relativo á aprobación das táboas salariais para o ano 2011.

Advertido erro na orde de colocación da devandita resolución no *Diario Oficial de Galicia* número 47, do mércores 9 de marzo de 2011, cómpre facer a oportuna corrección no sentido de resituala a seguir da Orde do 3 de marzo de 2011 pola que se regula o procedemento de adxudicación de prazas nas escolas infantís 0-3 dependentes da Consellería de Traballo e Benestar para 2011/2012 que comeza na páxina 3.918 e conclúe na 3.935.

CONSELLERÍA DO MAR

Orde do 28 de febreiro de 2011 pola que se aproban os plans para a explotación de poliquetos en Galicia para o ano 2011 e se regula o seu exercicio.

A Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, no

seu artigo 2º, establece que a política pesqueira galega ten por finalidade a viabilidade duradeira do sector pesqueiro, marisqueiro e acuícola galego, garantindo a mellora das condicións de vida e traballo das persoas que se dedican a estas actividades mediante a explotación sustentable, equilibrada e responsable dos recursos baseada nun asesoramento científico sólido e tendo en conta os aspectos ambientais, económicos e sociais.

A Consellería do Mar é o órgano da Administración da comunidade autónoma ao que lle corresponde desenvolver as competencias e funcións, entre outras, en materia de ordenación pesqueira en augas interiores, marisqueo e acuicultura e a través da Dirección Xeral de Ordenación e Xestión dos Recursos Mariños a conservación, protección e xestión sustentable dos recursos mariños.

A explotación de poliquetos no litoral de Galicia continúa aumentando ano tras ano debido á gran demanda destas especies para o seu uso como cebo na pesca deportiva, cun valor económico elevado e que constitúe para as persoas dedicadas ao marisqueo unha diversificación da súa actividade, que contribúe á mellora das súas rendas.

A Consellería do Mar, segundo o establecido no Decreto 425/1993, do 17 de decembro (DOG número 13, do 20 de xaneiro), polo que se refunde a normativa vixente sobre o permiso de explotación para exercer a actividade pesqueira e marisqueira, regulou a explotación deste recurso no litoral de Galicia mediante a Orde do 6 de febreiro de 1998 (DOG número 33, do 18 de febreiro) e posteriormente coa Orde do 18 de abril de 2006, os plans de explotación específicos para poliquetos (DOG número 80, do 26 de abril).

Á vista da citada normativa, as especies que se explotan continúan a ser actualmente:

-*Hediste diversicolor*: miñoca.

-*Diopatra neapolitana*: miñoca de tubo, casulo.

-*Lumbrineris impatiens*: gabián.

-*Arenicola marina*: mangón, miñoca de area.

Nesta orde establécese o réxime necesario para permitir a explotación do recurso específico de poliquetos en Galicia coas garantías dunha boa xestión do recurso.

Polo tanto, examinados os plans de explotación remitidos polas entidades asociativas do sector e tendo en conta os informes emitidos polos técnicos desta consellería, e de conformidade co disposto na normativa antes citada,

DISPOÑO:

Artigo 1º

1. Apróbanse os plans de explotación para o ano 2011 que se relacionan no cadro A e que se desenvolverán conforme as condicións recollidas na ficha resumo de cada un deles, que forman parte do expediente, así como ao indicado no artigo 3º da Orde do 18 de abril de 2006 (DOG número 80, do 26 de abril) e ás instrucións que se poidan ditar ao respecto, de seren necesarias.

2. As solicitudes de apertura deberán presentarse no modelo publicado como anexo II desta orde. O